

醫宗金鑑

卷十二至
卷十六

御纂醫宗金鑑卷十二

編輯外科心法要訣

發無定處

疔瘡

五藏皆可發疔瘡現於形體細考詳若論陰陽分上下欲知經藏辨何方疔名火蝕發心經往往生於唇指中

心作煩時神恍惚痛兼麻癢炮黃紅毒發肝經名紫燕此患多於筋骨見破流血水爛串筋指青舌強神昏亂

黃鼓由於脾發毒多生口角與顙骨炮黃光潤紅色纏麻癢硬彊兼嘔吐毒發肺經名白刃白炮頂硬根突

峻易腐易陷多損腮咳吐痰涎氣急甚從來黑靨發腎經黑斑紫炮硬如釘爲毒極甚疹牽骨驚悸沉昏目露

睛以上五疔應五藏又有紅絲疔一樣初如小瘡漸發紅最忌紅絲攻心上凡治疔證貴乎早三陰三陽更

宜曉在下宜灸上宜鍼速醫卽愈緩難保〔註〕此數證俱名曰疔蓋疔者如丁釘之狀其形小其根深隨處可生

由恣食厚味或中蛇蠱之毒或中疫死牛馬猪羊之毒或受四時不正疫氣致生是證夫疔瘡者乃火證也迅速

之病有朝發夕死隨發隨死三五日不死一月半月亦必死此係藏府之乖逆性情之激變節候之寒溫肅殺且

毒中有淺深也若一時失治立判存亡有名爲火蝕疔者多生於唇口及手掌指節間初生一點紅黃小炮痛癢

麻木甚則寒熱交作煩燥舌強言語疎忽此屬心經毒火而成也有名爲紫燕疔者多生於手足腰肋筋骨之間

初生便作紫炮次日破流血水三日後串筋爛骨甚則目紅甲青邪視神昏睡語驚惕此屬肝經毒火而成也有

名爲黃鼓疔者初生黃炮光亮明潤四畔紅色纏繞多生口角腮顙眼胞上下及太陽正面之處發時便作麻癢

重則惡心嘔吐肢體木痛寒熱交作煩渴乾噦此屬脾經毒火而成也有名爲白刃疔者多生白炮頂硬根突破

流脂水癢痛兼作多生鼻孔兩手易腐易陷重則腮損咽焦欬吐痰涎鼻掀氣急此屬肺經毒火而成也有名爲

黑靨疔者多生耳竅牙縫胸腹腰腎偏僻之處初生黑斑紫炮毒串皮膚漸攻肌肉頑硬如丁痛徹骨髓重則手

瘡 疔 圖



足青紫驚悸沉困軟陷孔深目睛透露此屬腎經毒火而成也以上五疔本於五臟而生又有紅絲疔發於手掌及骨節間初起形似小瘡漸發紅絲上攻手膊令人寒熱往來甚則惡心嘔吐治遲者紅絲攻心常能壞人又有暗疔未發而腋下先堅腫無頭次腫陰囊睪丸突兀如筋頭令人寒熱拘急焮熱疼痛又有內疔先發寒熱腹痛數日間忽然腫起一塊如積者是也又有羊毛疔身發寒熱狀類傷寒但前心後心有紅點又如疹形視其斑點色紫黑者為老色淡紅者為嫩以上諸證初起俱宜服蟾酥丸汗之毒勢不盡憎寒壯熱仍作者宜服五味消毒飲汗之如發熱口渴便閉脈沉實者邪在裏也宜服黃連解毒湯加生大黃一錢五分蔥頭五個清之凡證輕者宜服化疔內消散若疔毒將欲走黃急服疔毒復生湯已走黃者令人心煩昏愊急用七星劍湯以救之若手足冷六脈暴絕者係毒氣閉塞元氣不能宣通先宜蟾酥丸隨服木香流氣飲行氣其脈自見若疔毒誤灸煩躁譫

語者乃逼毒內攻也宜服解毒大青湯若潰後餘毒未盡五心煩熱者宜服人參清神湯鍼後出膿之時氣虛驚悸者宜服內託安神散若攻利太過以致發渴六脈虛大者宜服補中益氣湯若發汗之後汗不止熱不退瘡不疼便不利者此屬裏虛宜服八珍湯加黃耆麥冬治之凡疔潰後不宜補早雖見真虛只可平補忌用溫補之藥外治用藥鍼灸亦當循其次第書云疔瘡先刺血內毒宜汗瀉禁灸不禁鍼怕綿不怕鐵初覺貴乎早治十證十全稍遲者十全五六失治者十壞八九初發項以上者三陰受毒必用鉞鍼刺入瘡心四五分挑斷疔根令出惡血隨用立馬回疔丹或蟾酥條插入孔內外以巴膏蓋之如項以下生者三陽受毒即當艾灸以殺其勢灸之不用鍼刺出血插蟾酥條旁腫以離宮錠塗之如旁腫頑硬推之不動用鍼亂刺頑硬之處令多出惡血否則必致走黃挑法先用鍼幹將毒頂焦皮刮開鍼入疔根堅硬如鐵者爲順若鍼刺入酥軟如瓜穰而不知痛者爲逆百無一生凡挑疔根先出紫黑血再挑刺至鮮血出以知痛爲止隨填拔疔散令滿以萬應膏蓋之過三四時撥去舊藥易以新藥若藥乾無水不痛者此挑法未斷疔根也再深挑之必以上藥知痛藥入水流爲率三四日後瘡頂乾燥以琥珀膏貼之令疔根託出換九一丹撒之黃連膏抹之外蓋白膏藥生肌斂口若初起失治或房勞夢遺損氣以致毒氣內攻走黃不住者其瘡必塌陷急當隨走黃處按經找尋有一芒刺直豎卽是疔苗急當用鐵鍼刺出惡血卽在刺處用艾灸三壯以宣餘毒若身面漫腫神昏悶亂乾嘔心煩作渴遍身起疱抽搐者俱爲逆證惟紅絲疔於初起時急用磁鍼於紅絲盡處斫斷出血尋至初起瘡上挑破卽用蟾酥條插入萬應膏蓋之隨服黃連解毒湯再暗內二疔不用挑法先以蟾酥丸含化令盡以冷水漱去毒涎再用三九嚼葱白三寸裹藥黃酒送下蓋臥出汗少時無汗再飲熱酒催之仍無汗係毒熱滯結急用霹靂火法令汗出毒熱隨之而解次用雙解貴金丸下之自效若暗內二疔初起牙關緊急者用蟾酥丸三五粒葱頭煎湯研化灌之俟稍甦治法如前至羊毛疔先將紫黑斑點用衣鍼挑出如羊毛狀前後心共挑數處用黑豆蕎麥研粉塗之卽時汗出而愈一法用明雄黃末二錢青布包紮蘸熱燒酒於前心擦之自外圈入內其毛卽奔至後心再於後心擦之其羊毛俱

拔出於布上埋之忌茶水一日再諸疔部位形色亦有急緩生於頭項胸背者最急生於手足骨節之間者稍緩一疔之外別生一小瘡名曰應候四圍赤腫而不散漫者名曰護場四旁多生小瘡者名曰滿天星有此者緩無此者急疔證初起至四五日間由白色而至青紫色疔頭潰膿形似鋒窩內無七惡等證者為順者初起似疔非疔灰色頂陷如魚臍如蠶斑青紫黑炮軟陷無膿內見七惡等證者逆凡疔毒俱由火毒而生忌服辛熱之藥恐反助其邪也忌敷寒涼之藥恐逼毒攻裏也再膏藥不宜早貼惟在將潰已潰時貼之呼膿長肉以避風寒初潰時忌用生肌藥恐毒未除反增潰爛生項以上者屬三陽經不宜灸若火日生疔亦禁灸犯之或為倒陷或至走黃俱忌椒酒雞魚海味鵝肉猪首辛辣生冷等物氣怒房勞諸香並孝服經婦僧道雞犬等項犯之必致反覆慎之

蟾酥丸

蟾酥二錢
酒化

輕粉

銅綠

枯礬

寒水石 煨

膽礬

乳香

沒藥

麝香 各一錢

硃砂 三錢

雄黃 二錢

蝸牛 二十箇

以上各為末稱準於端午日午

時在淨室中先將蝸牛研爛同蟾酥和研稠黏方入各藥共搗極勻丸如菉豆大每服三丸用葱白五寸令患者嚼爛吐於手心內男用左手女用右手將藥丸裹入葱泥內用無灰熱酒一茶鍾送下被蓋約人行五六里路病者出汗為度甚者再用一服如外用之法搓條作餅隨證用之修合時忌婦人雞犬等見之

〔方歌〕蟾酥丸治諸疔毒初起惡瘡皆可逐外用化腐又消堅內服驅毒發汗速硃砂輕粉麝雄黃銅綠枯礬寒水入膽礬乳沒共蝸牛丸如綠豆葱酒服

五味消毒飲

金銀花 三錢

野菊花

蒲公英

紫花地丁

紫背天葵子 各一分

水二鍾煎八分加無

灰酒半鍾再滾二三沸時熱服渣如法再煎服被蓋出汗為度

〔方歌〕五味消毒療諸疔銀花野菊蒲公英紫花地丁天葵子煎加酒服發汗靈
化疔內消散

知母

貝母去心研

穿山甲炙研

蚤休

白及

乳香

天花粉

皂刺

金銀花

當歸

赤芍

甘草各一錢生

酒水各一鍾煎一鍾去渣量病

上下服之

〔方歌〕化疔內消知貝甲蚤休及乳草天花皂刺銀花歸芍酒疔證毒輕服更嘉
疔毒復生湯

金銀花

梔子生研

地骨皮

牛蒡子炒研

連翹去心

木通

牡蠣炒

生軍

皂刺

天花粉

沒藥

乳香各八分

酒水各一鍾煎一鍾食遠服不

能飲者只用水煎臨服入酒一盃和服亦效

脈實便祕者加朴硝

〔方歌〕疔毒復生欲走黃頭面腫浮毒內傷銀梔骨勞翹通蠟軍刺天花沒乳香
七星劍

蒼耳頭

野菊花

豨薟草

地丁香

半枝連各三錢

蚤休二錢

麻黃一錢

用好酒一觔煎至一盃澄去渣熱服被蓋出汗爲度

〔方歌〕七星劍嘔熱兼寒疔毒走黃昏憤添麻黃蒼耳菊豨薟地丁香蚤半枝連
水香流氣飲

當歸

白芍酒炒

川芎

紫蘇

桔梗

枳實麸炒

烏藥

陳皮

半夏製

白茯苓

黃耆

防風

青皮各一錢

大腹皮

檳榔

枳殼麸炒

澤瀉

甘草節

木香各五錢末

生薑三片紅棗肉二枚水煎服

下部加牛膝

〔方歌〕木香流氣宣氣滯歸芍芎蘇桔枳實烏藥二陳耆大腹風榔青枳瀉煎之解毒大青湯

大青葉

木通

麥門冬 去心

人中黃

梔子 生研

桔梗

元參

知母

升麻

淡竹葉

石膏 錢各一煨

水二鍾燈心二十根煎八分食遠服

大便秘

加大黃 悶亂加燒人糞

〔方歌〕解毒大青通麥門中黃梔子桔元參知升竹葉石膏煨疔瘡誤灸毒內侵

人參清神湯

人參

陳皮

白茯苓

地骨皮

麥門冬 去心

當歸

白朮 土炒

黃耆

遠志 錢各一 去心

柴胡

黃連

甘草 錢各五 炙

水二鍾粳米一撮煎八分食遠

服

〔方歌〕人參清神疔毒潰陳苓地骨麥冬歸朮耆柴遠黃連草益氣除煩熱可推

內託安神散

人參

麥門冬 去心

茯神

黃耆

白朮 土炒

元參

陳皮 錢各一

石菖蒲

甘草 炙

酸棗仁 炒研

遠志 去心

五味子 錢各五 分研

水二鍾煎八分臨服入硃砂

末三分和勻食遠服

〔方歌〕內託安神多驚悸疔瘡鍼後元氣虛參麥茯菖耆朮草元參棗遠味陳皮

立馬回疔丹

輕粉

蟾酥 酒化

白丁香

硼砂 錢各一

乳香 六分

雄黃

硃砂

麝香 各三分

蜈蚣 一條

金頂砒 五分

共爲細末麵糊搓如麥子大凡遇疔瘡以鍼挑破用一粒

插入孔內外以膏蓋追出膿血疔根爲效

〔方歌〕立馬回疔輕蟾酥白丁香乳麝雄硃礪蜈蚣金頂砒研末疔瘡用此根自除
九一丹

石膏 九錢

黃靈藥 一錢

共研極細撒於患處

〔方歌〕九一丹醫疔破後根除用此把膿搜煨石膏對黃靈藥清熱生肌患自瘳
霹靂火

鵝卵石燒紅安鐵杓內杓安桶內以醋淬石令患者將患處覆桶上厚衣密蓋勿令洩氣熱氣微再添紅石加醋淬之瘡頭及腫處使熱氣熏蒸至汗出其毒減半

黃連解毒湯

見耳部

補中益氣湯

八珍湯

巴膏

萬應膏

白膏藥

黃靈藥

俱見潰瘍門

離宮錠

雙解貴金丸 俱見腫瘍門

拔疔散 見牙齒部牙疔

琥珀膏

見頭部髮際瘡

黃連膏

見鼻部鼻瘡

流注

流注原有證數般溼痰癢風汗後寒發無定處連腫漫潰近骨節治難痊此證本由脾胃弱留結肌肉骨筋間〔註〕此證名雖無殊其原各異蓋人之血氣每日週身流行自無停息或因溼痰或因瘀血或因風溼或因傷寒汗後餘毒或因慾後受寒稽留於肌肉之中致令氣血不行故名流注諸家書云流者流行注者住也發無定處隨在可生初發漫腫無頭皮色不變凝結日久微熱漸痛透紅一點方是膿熟即宜用鍼開破若溼痰化者膿色黏白瘀血化者膿色金黃黏水風溼化者膿色稀白如豆汁汗後餘邪化者膿色或黃或黑稀膿臭穢以上四證發在肉厚處可愈發在骨節及骨空處難痊淫慾受寒化者膿色稀白而腥其水中有豬脂水油之

狀此爲敗漿膿也諸書雖有治法終成敗證初起溼痰所中者木香流氣飲導之產後瘀血所中者通經導滯湯通活之跌撲傷損瘀血所中者宜散瘀葛根湯逐之風溼所中者萬靈丹五積散加附子溫散之汗後餘邪發腫者人參敗毒散散之房慾後外寒侵襲者初宜服五積散加附子次服附子八物湯溫之又有室女嬌婦鬱怒傷肝思慮傷脾而成者宜服歸脾湯加香附青皮散之此皆流注初起將成之法一服至三四服皆可外俱用烏龍膏或沖和膏敷貼皮肉不熱者雷火神鍼鍼之輕者卽消重者其勢必潰將潰時俱宜服託裏透膿湯已潰俱服人參養榮湯久潰膿水清稀飲食減少不能生肌收斂者俱宜服調中大成湯久潰膿水清稀精神怯少漸成漏證者俱宜服先天大造丸潰後其餘治法俱按癰疽潰瘍門參考

流注發無定處漫腫不紅連接三四處

流注圖



通經導滯湯

當歸

陳皮

熟地

丹皮

赤芍

紅花

川芎

牛膝

各一錢

枳殼
麸炒

獨活

紫蘇

甘草

各五分

香附

水二鍾煎八分

入酒一杯食前服

〔方歌〕通經導滯產後疾敗血流瘀腫痛積四物枳蘇香附陳丹皮獨草紅花膝
散瘀葛根湯

葛根

川芎

半夏製

桔梗

防風

羌活

升麻各八分

細辛

甘草生

香附

紅花

蘇葉

白芷各六分

水二鍾葱三根

薑三片煎八分不拘時服

〔方歌〕散瘀葛根瘀血凝皆因跌撲流注成芎半桔風羌細草香附紅花蘇芷升

附子八物湯

附子製

人參

白朮土炒

當歸

白茯苓

熟地

川芎

白芍各一錢酒炒

木香

肉桂

甘草各五分炙

水二鍾薑三片紅棗肉一枚煎八分食遠服

〔方歌〕附子八物醫流注房慾傷陰外寒入木香肉桂八珍湯薑棗水煎食遠服

調中大成湯

人參

白朮土炒

白茯苓

黃耆

山藥炒

丹皮

當歸身

白芍酒炒

陳皮各一錢

肉桂

附子各八分製

遠志去心

藿香

縮砂仁

甘草各五分炙

水二鍾煨薑三片紅棗肉二枚煎八分食遠服

〔方歌〕調中大成四君著山藥丹皮歸芍宜遠藿縮砂陳桂附能醫流注潰膿稀

木香流氣飲見疔瘡門

萬靈丹

烏龍膏

沖和膏俱見腫瘍門

五積散見內癰腎癰

人參敗毒散即荆防敗毒散減去

萬靈丹

烏龍膏

歸脾湯見乳部核

雷火神鍼見股部瘡

託裏透膿湯見頭部瘰癧

人參養榮湯見瘰癧

歸脾湯見乳部核

先天大造丸見腎部瘡

瘦瘤

五癭屬陽六瘤陰癭別血氣肉石筋瘤氣血肉脂筋骨惟脂開潰不傷身癭帶細小紅不緊瘤根漫大亮白新證由內外嵐水氣療治須當戒怒噎〔註〕癭瘤二證發於皮膚血肉筋骨之處癭者如纓絡之狀瘤者隨氣留住故有是名也多外因六邪榮衛氣血凝鬱內因七情憂悲怒氣溼痰瘀滯山嵐水氣而成皆不痛癢癭證屬陽色紅而高突皮寬不急蒂小而下垂瘤證屬陰色白而漫腫皮嫩而光亮頂小而根大癭有五種肉色不變者爲肉癭其筋脈現露者名筋癭若赤脈交絡者名血癭隨喜怒消長者名氣癭堅硬推之不移者名石癭五癭皆不可破破則膿血崩潰多致傷生瘤有六種堅硬紫色纍纍青筋盤曲若蚯蚓狀者名筋瘤又名石瘤微紫微紅軟硬間雜皮膚中隱隱若紅絲糾纏時時牽痛誤有觸破而血流不止者名血瘤或軟如綿或硬如鰻皮色如常不緊不寬始終只似覆肝名肉瘤軟而不堅皮色如常隨喜怒消長無寒無熱者名氣瘤日久化膿流出又名膿瘤也形色紫黑堅硬如石疙瘡疊起推之不移昂昂堅貼於骨者名骨瘤軟而不硬皮色淡紅者名脂瘤卽粉瘤也六瘤之形色如此凡癭多生於肩項兩頤瘤則隨處有之夫肝統筋怒氣動肝則火盛血燥致生筋癭筋瘤宜清肝解鬱養血舒筋清肝蘆薈丸主之心主血暴戾太甚則火旺逼血沸騰復被外邪所搏致生血癭血瘤宜養血涼血抑火滋陰安斂心神調和血脈芩連二母丸主之脾主肌肉鬱結傷脾肌肉澆薄土氣不行逆於肉裏致生肉癭肉瘤宜理脾寬中疏通戊土開鬱行痰調理飲食加味歸脾丸主之肺主氣勞傷元氣膝裏不密外寒搏之致生氣癭氣瘤宜清肺氣調經脈理勞傷和榮衛通氣散堅丸主之腎主骨恣慾傷腎腎火鬱遏骨無榮養致生石癭骨瘤石癭海藻玉壺湯主之骨瘤尤宜補腎散堅行瘀利竅調元腎氣丸主之癭瘤諸證用藥緩緩消磨自然縮小若久而膿血崩潰滲漏不已者皆爲逆證不可輕用刀鍼決破以致出血不止立見危殆惟粉瘤可破其色粉紅多生耳項前後亦有生於下體者全係痰凝氣結而成治宜鉞鉞破去脂粉以白降丹撚子插入數次將內膜化淨用生肌玉紅膏貼之自愈又有一種黑砂瘤多生臀腿腫突大小不一以手攝起內有黑色卽是亦用鍼刺

出黑砂有聲軟硬不一又有髮瘤多生耳後髮下寸許軟小高突按之不痛亦用鍼刺之粉髮齊出又有蟲瘤發後其癢徹骨開破出蟲無數內有極大一蟲出其蟲方盡黑砂髮蟲三瘤外治皆同粉瘤之法其口方收又有蟲瘤每生脇下治法當按癰疽腫瘍潰瘍門但本憂思化成每難獲效諸證形狀各異皆五臟溼熱邪火濁瘀各有所感而成總非正氣之所化也

瘰癧圖



瘰癧形細下垂

瘰癧形根大頂間高努

清肝蘆薈丸

當歸

生地酒浸
搗膏

白芍酒炒

川芎各一兩

黃連

青皮

海粉

牙皂

甘草節

昆布酒洗

蘆薈各五錢

以上細末神麴糊丸如梧桐子大每服八十丸

白滾水量病上下食前後服之

〔方歌〕清肝蘆薈怒傷肝筋結瘰癧血燥原四物黃連青海粉牙皂甘昆麴糊丸

芩連二母丸

黃芩

黃連

知母

貝母去心

當歸

白芍酒炒

羚羊角鎊

生地

熟地

蒲黃

地骨皮

川芎各一兩

甘草五錢生

以上爲末側柏

葉煎湯打寒食麵糊爲丸如梧桐子大每服七十九燈心湯送下

〔方歌〕芩連二母血瘤瘰癧血沸寒凝微紫紅歸芍羚羊生熟地蒲黃地骨草川芎

加味歸脾丸

香附

人參

酸棗仁炒

遠志去心

當歸

黃耆

烏藥

陳皮

茯神

白朮土炒

貝母各一兩去心

木香

甘草各三錢炙

以上爲細末合

歡樹根皮四兩煎湯煮老米糊爲丸如梧桐子大每服六十九食遠白滾水送下

〔方歌〕加味歸脾香附參棗遠歸耆烏藥陳茯神朮草木香貝消瘰除瘤脾鬱伸

通氣散堅丸

人參

桔梗

川芎

當歸

花粉

黃芩

枳實麸炒

陳皮

半夏製

白茯苓

膽星

貝母去心

海藻洗

香附

石菖蒲

甘草各一兩生

以上爲細末荷葉煎湯爲丸如豌豆大每服一錢食遠燈心生薑煎湯送下

〔方歌〕通氣散瘰癧氣瘤參桔芎歸花粉投芩枳二陳星貝藻香附石菖患漸瘳

海藻玉壺湯

海藻洗

陳皮

貝母去心

連翹去心

昆布

半夏製

青皮

獨活

川芎

當歸

甘草各一錢節

海帶五分洗

水二鍾煎八分量病上下食前

後服之

〔方歌〕海藻玉壺湯石瘦陳貝連翹昆半青獨活芎歸甘海帶化硬消堅最有靈

調元腎氣丸

生地四兩酒煮搗膏

山萸肉

山藥炒

丹皮

白茯苓各二兩便炒

澤瀉

麥冬去心炒

人參

當歸身

龍骨煨

地骨皮各一兩

知母童便炒

黃蘗各五錢鹽水炒

縮砂仁炒

木香各三錢

共研細末鹿角膠四兩老酒化稠加蜂蜜四兩同煎滴水成珠和藥爲丸如梧桐子大每服八

十九空心溫酒送下忌蘿蔔火酒房事

〔方歌〕調元腎氣縮砂仁六味地黃知麥參歸蘗木香龍地骨骨瘤服此又滋陰

白降丹

生肌玉龍膏

俱見潰瘍門

多骨疽圖



〔多骨疽發在眼角腮齒手足腿脛等處〕

多骨疽

多骨疽由腎虛源瘡久腫潰復受寒落草患此胎元結名爲骨脹治一般〔註〕此證一名剩骨一名朽骨無論老

少皆有生者多在腮膠牙牀眼胞頰下手足腿膊等處有因腎虛之人生瘡久潰腫硬不退口不收斂外被寒邪襲入與膿毒凝結借人之氣血化成多骨者又有初生落草身肉之中按之有如脆骨由胎元受之精血交錯而致迨其人長大後必於脆骨所生之處突然發腫生疽及潰破後多骨脫出其口方收有多骨出之不休者名曰骨脹難愈以上二因治法皆同俱宜隔附子餅灸灸以宣寒凝令骨速脫蓋骨屬腎遇寒則凝故從熱治也若朽骨內含或出臭膿或出涎泡宜撒黃靈藥陀僧膏蓋貼令朽骨出盡其口始易斂也腎虛微寒者服六味地黃丸虛而寒甚者桂附地黃丸常服可愈由胎元結成者稟賦身虛不可強取骨候自破則取之

附子餅灸治

見首卷灸法

黃靈藥

陀僧膏

俱見潰瘍門

六味地黃丸

見面部雀斑

桂附地黃丸

見面部頻癆

結核圖



結核生在皮裏肉外形如果核

結核

結核卽同果核形皮裏膜外結凝成或由風火氣鬱致或因怒火溼痰生〔註〕此證生於皮裏膜外結如果核堅

而不痛由風火氣鬱結聚而生初發令人寒熱往來有表證者荆防敗毒散解之表既解即服連翹消毒飲若溼痰氣鬱凝結者宜行氣化痰以五香流氣飲千金指迷丸辛涼之藥治之其核自消若誤投苦寒之劑必至潰破或服之而反甚者其勢將潰不可強消以耗其氣宜用透膿散潰而不愈者屬氣虛宜用補中益氣湯平補之外治按癰疽腫瘍潰瘍門

千金指迷丸

半夏製四兩

白茯苓

枳殼各三兩
麸炒

風化硝 三錢

共研爲末河水煮糊爲丸如梧桐子大每服

二錢白滾水送下

〔方歌〕千金指迷丸半夏茯苓枳殼硝同研河水煮糊作成丸消堅去核結痰化

荆防敗毒散見頭部

連翹消毒飲見背部
酒毒發


五香流氣飲見脛部
黃歇癰

透膿散見腫
瘍門

補中益氣湯見潰
瘍門

癰發多生在伸縮動處漫腫淡紅

癰發圖



痼發

痼發皆由外感生伸縮動處每成形漫腫無頭寒熱作四肢沉重渴煩增〔註〕此證體虛之人感受天地不正之厲氣而生非由內作也多生於手足掌心或腰腿臂下伸縮動處疼如痛風而兼漫腫無頭其色淡紅增寒發熱四肢沉重煩渴初起宜服萬靈丹發汗解表腫仍不消必欲作膿者宜託裏消毒散兼琥珀蠟礬丸間服已潰者按癰疽潰瘍門治法

萬靈丹

託裏消毒散

琥珀蠟礬丸

俱見腫瘍門

癰疽圖

癰疽初起紅點次腫如梅李色黑



癰疽

癰疽本由煙瘡起小如粟豆大梅李初發紅點次變黑腐爛筋骨疼痛無已〔註〕此證一名蛇瘡川廣煙瘡地面有之初起紅點次變黑色其形小者如粟豆大者如梅李隨處可生疼痛應心不止腐爛筋骨潰破膿如豆汁今日拭淨次日膿汁復滿愈而復發初起宜貼蟾酥餅寒熱交作宜服黍米寸金丹或奪命丹亦可紅腫遊走不定者